



Perica Stanić, direktor **SIPA-e**, za 'Avaz'

## Brenan je pohvalio naš rad

Stanić kaže da direktor CIA-e nije imao nikakve posebne zahtjeve prema bh. agencijama

Perica Stanić, direktor Državne agencije za istrage i zaštitu (SIPA), izjavio je jučer za „Dnevni avaz“ da je direktor CIA-e Džon Brennan (John Brennan) dao punu podršku BiH i njenim institucijama za provedbu zakona kada je u pitanju borba protiv terorizma.

Stanić, koji je jučer u Sarajevu, u restoranu „Golf klub“ na Betaniji, prisustvovao radnom sastanku svih direktora policijskih agencija u BiH, Obavještajne službe BiH, ministara unutrašnjih poslova te Ministarstva sigurnosti s ovim visokim zvaničnikom SAD, kazao nam je da je tema razgovora, između ostalog, bilo i pitanje global-



**Stanić: Ključno je pitanje terorizma**

ne borbe protiv terorizma te oblikasradnje.

Direktor **SIPA-e** ustvrdio je da Brennan od bh. policijskih agencija nije imao nikakve specijalne zahtjeve, niti je to bila tema sastanka.

- Osim dosadašnje saradnje, u smislu da je i dalje održavamo i podignemo na viši nivo, od nas nije traženo ništa drugo. Nije bilo nikakvih zahtjeva. On nam je samo prenio da su oni zadovoljni našom saradnjom i da ispunjavamo sve obaveze prema njihovom mišljenju i standardu. To je bilo sve. Pohvalio je rad naših agencija - istakao je Stanić.

**M. Aš.**